



25. oktober 2018

UKA2018/137

Kingusinnerpaamik UKA 2019-mi Majoriaq pillugu naliliinermik saqqummiusseqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut. Naliliinermi nasuiarneqassaaq innuttaasut ilinniniarnissaannut sulilernissaannullu piareersaasarnissaminut Majoriap siunertani qanoq naammassitigisimaneraa. Naliliinermut ilanngullugu aamma maannamut misilittakkat tungavigalugit pitsanngorsaannissanut sipaarutissanullu siunnersuutit ilannguteqquneqarput.

(Aleqa Hammond, Nunatta Qitornai)

Demokraatit inatsisartunut ilaasortaataataat Nivi Olsen siunnersuuteqarpoq Majoriap siunertaminut naapertuuttumik inerisitaanullu aningaasaliissutit naapertuuttuunersut naliliiffigineqassasut.

Siunnersuuteqartutuut isumaqarpugut pingaaruteqarluinnartuusoq sunaluunniit inuiaqatigiinnit aningaasalerneqartoq tassaasussaasut aningaasaliissutit tamarmik siunertamut naapertuuttuunersut nalilersortuassallutigit.

Pingaarpoq erseqqissassallugu ukiuni kingullerni suliffissaaleqinerup appariartornera inuiattut assut nuannaarutigisariaqaratsigu sulilu appartikkiartorneqarnissaannut nungutinnissaannullu nukiit aningaasallu atorineqarsinnaasut tamakkersuutigineqartariaqartut.

Ilinnialersitsisarnissamut siunnersuineq, sulilernissamut siunnersuineq inuussutissarsiuteqarnermullu suliaqartunut ataqatigiissumik ingerlatsineq pingaaruteqarpoq .

Naalakkersuisut akissuteqaateqarnerminni erseqqissaassutigaat upernaamut inatsisartut ataatsimiinnissaannut suliniutaareersoq qulequtalik "015-imi Suliffeqarnermi periusissiaq – Suliffeqarneq Toqqissisimasoq" pillugu nalunaarusiamik saqqummiinialutik. Siunnersuuteqartumut naaperiuteqarlutik Majoriamut aningaasaliissutigineqartut pillugit siunnersuuteqartup ujartugaanut ilanngullugu nalunaarusiaq imaqartinneqassasoq inassutigaat. Tamanna pitsaasutut taasariaqarpoq allannguutissatullu siunnersuutigineqartoq taperserparput, inassutigalugulu ilinniartitaanermut ataatsimiititaliamik peqqissaarlugu suliarineqassasoq.